

ՆԻԿՈԼԱՅ ՀՈՎՀԱՆՆԻՍԱՆ

ԱՐԱԲԱԿԱՆ ԵՐԿՐՆԵՐԻ ՆԿԱՏՄԱՍԲ ԹՈՒՐԶԻԱՅԻ ՏԱՐԱԾՔԱՅԻՆ ՀԱՎԱԿՆՈՒԹՅՈՒՆՆԵՐԸ ՆՈՐԱԳՈՒՅՆ ՇՐՋԱՆՈՒՄ

Արաբա-թուրքական հարաբերությունները Մերձավոր Արևելքի նորագույն շրջանի ամենաբարդ ուղղությունից մեկն են: Դա ունի իր պատճառները՝ ինչպես պատմական, այնպես էլ արդիական՝ քաղաքական, այդ թվում և աշխարհաքաղաքական-ժապավապաշտական, տնտեսական, կրոնական և այլն:

Արաբները մոտ 400 տարի՝ 1516-1918թթ., եղել են Օսմանյան կայսրության կազմում, որն անցնջելի հետք է թողել թե՛ արաբների, և թե՛ թուրքերի պատմական հիշողության մեջ: Արաբները հիանալի հիշում են չորսդարյա թուրքական զուլումի պատմական ժամանակահատվածը և իրավացիորեն թուրքական տիրապետությանը մեղադրում արաբների սոցիալ-տնտեսական և մշակութային-գիտական հետամնացության մեջ: Նրանց հիշողության մեջ դեռևս թաքնվում են Դամասկոսում, Բեյրութում, Երուսաղեմում ե Ալեքսիում Առաջին համաշխարհային պատերազմի ժամանակ օսմանյան կառավարողների կանգնեցրած կախաղանները, որոնց վրա ճոճվում էին արաբական ազգային-ազատագրական՝ հակաթուրքական պայքարի բազմաթիվ առաջնորդների դիակները: Արաբ ժողովուրդը չի մոռացել դա և չի ներել երիտթուրքական առաջնորդներ Թալեաթին, Էնվերին և Ջեմալին, այն մույն դահիճներին, որոնք կազմակերպեցին հայոց ցեղասպանությունը՝ արմենոցիդը, այդ մույն ժամանակաշրջանում՝:

Արաբների վրա օսմանյան չորսհարյուրամյա տիրապետությունը խոր հետք է թողել մաև թուրքերի պատմական հիշողության մեջ: Նրանք չեն մոռացել նրանց համար այդ “երանելի” պատմական ժամանակահատվածը, երբ նրանք տեղ ու տնօրեն էին արաբական աշխարհում, որը կորցնելով, Թուրքիան դադարեց Օսմանյան կայսրություն լինելուց և վերածվեց Փոքր Ասիայի տարածքում կազմավորված Թուրքական հանրապետության: Եվ այդ պատմական հիշողությունը ստեպ-ստեպ դրսևորվում է թուրքական կառավարող շրջանակների մոտ, մասնավորապես՝

րածաշրջանում քաղաքական լարվածության կամ ճգնաժամի առաջացման ժամանակ: Մյուս կողմից. երկարամյա տիրապետությունը արաբների վրա թուրքերի մոտ առաջացրել է որոշակի հոգեբանական բարդույթ: Նրանք վարժվել են արաբների վրա ավանդաբար մայել վերևից, մեծ դժվարությամբ են համակերպվում թուրքերի արաբների հետ իրավահավասարության հիմնադրույթին, շատ հաճախ կրկին հավակնում են նրանց դիտել իրենց ենթակա մի ժողովուրդ, որն ապրում է մախկնում «իրենց պատկանած» տարածքներում, և այլն:

Ահա այս հողի վրա թուրքական իշխանությունները, հետապնդելով իրենց ծավալապաշտական մպատակները, պարբերաբար հանդես են գալիս արաբական երկրների նկատմամբ տարածքային հավակնություններով և պահանջներով:

Թուրքիան և նրա մոր դեկավարները՝ Մուստաֆա Քեմալը և նրա հետևորդներ համարվող քեմալականները, արաբական երկրների նկատմամբ տերիտորիալ պահանջներով հանդես եկան արդեն 1919-1920թթ., չնայած այն հանգամանքին, որ Օսմանյան կայսրությունն Առաջին համաշխարհային պատերազմի ժամանակ գլխովին ջախջախվեց, կրեց խայտառակ պարտություն և անհետացավ պատմության թատերաբեմից. որն արձանագրվել էր առաջին միջազգային պաշտոնական դիվանագիտական փաստաթղթում՝ 1918թ. հոկտեմբերի 30-ին ստորագրված Մուդրոսի զինադադարի վերաբերյալ փաստաթղթում, իսկ այնուհետև 1920թ. Սևրի պայամանագրում: Այդ և հետագա պայամանագրերով (Լոզանի և այլն) վերացվում էր օսմանյան տիրապետությունը արաբական երկրներում:

Բայց ինչպես ցույց տվեցին հետագա դեպքերը, թուրքական դեկավարությունը, մի կողմից ստորագրում էր համաժայնագրեր ու պայմանագրեր արաբական երկրների վրա Թուրքիայի տիրապետությունից հրաժարվելու վերաբերյալ, իսկ մյուս կողմից, գործադրելով զանազան հնարանքներ, փորձում էր կրկին վերադառնալ արաբական աշխարհ՝ որպես նրա տիրակալ:

Առաջին համաշխարհային պատերազմի ավարտից շատ չանցած, բավականին լարված հարաբերություններ ստեղծվեցին երեկվա դաշնակիցներ արաբների և անգլիացիների ու ֆրանսիացիների միջև: Արաբները, որոնք ապստամբվել էին օսմանյան տիրապետության դեմ 1916թ. հունիսին Հիջազի կառավարիչ Հուսեյնի գլխավորությամբ, և մեծ ավանդներդրել օսմանյան բանակների ջախջախման ու անգլո-ֆրանսիական ուժերի հաղթանակի գործում, պատերազմի ավարտից հետո չստացան այն, ինչ նրանց խոստացել էին Անգլիան և Ֆրանսիան, հատկապես անկախության հարցում: Դա, բնականաբար, առաջացրեց արաբների խորը դժգոհությունը: Հուսեյնի և Անգլիայի, հատկապես Ֆրանսիայի միջև հարաբերությունները բավականին սրվեցին:

Այդ իրադրությունից փորձեցին օգտվել Մուստաֆա Քեմալը և Թուրքիայի մյուս պետական ու ռազմական գործիչները: Նրանք դեռևս չէին հրաժարվել թուրքական մեծապետական իմպերիալիստական ծրագրերից և փայփայում էին Օսմանյան կայսրության սուսմանները, եթե ոչ ամբողջապաես, ապա գոնե մասամբ վերականգնելու ծրագրեր: Այդ ծրագրերի մեջ նրանք առանձնահատուկ տեղ էին հատկացնում Անդրկովկասի և Արաբական Արևելքի երկրների գրավմանը:

Քեմալական գործակալները լայն գործունեություն էին ծավալել Սիւրիայում, հատկապես Հալեբում և նրա շրջակա տարածքներում, Դամասկոսում և այլ վայրերում, գրգռելով տեղական արաբ բնակչությանը անգլիացիների ու ֆրանսիացիների դեմ: Նրանց գործունեության համար այդ շրջանում ստեղծվել էր որոշ նպաստավոր հող, քանի որ, ինչպես նշվեց, արաբների մոտ խոր զայրույթ էր կուտակվել Անգլիայի ու Ֆրանսիայի դեմ, որոնք խաբել էին նրանց անկախության հարցում և ձգտում էին իրենց տիրապետությունը հաստատել արաբական երկրներում: Արաբ որոշ գործիչներ, հուսահատությունից ու անգուրությունից, երբեմն դիմում էին չմտածված ու անխոհեմ քայլերի: Դրանց թվին էին պատկանում Հալեբի մահաճապետ Ջաֆար ալ-Ասկյարին, Յասին ալ-Հաշիմին և ուրիշներ, որոնք մույնիսկ կապեր հաստատեցին ու բանակցությունների մեջ մտան քեմալականների հետ: Նրանք դրանով փորձում էին պատժել իրենց եվրոպական բարեկամներին՝ Անգլիային ու Ֆրանսիային:

Քեմալականները փորձեցին օգտվել այդ հանգամանքից և անգլիացիների ու ֆրանսիացիների դեմ ուղղված արաբների դժգոհությունը ծառայեցնել իրենց շահերին: Դա դարձավ քեմալական գործակալների գործունեության գլխավոր ուղղությունը և նրանց կողմից արաբական երկրներում տարածվող զանազան գրավոր ու բանավոր կոչերի հիմնական բովանդակությունը: Այդ առումով առանձնակի հետաքրքրություն են ներկայացնում քեմալականների երկու կոչերը:

Առաջին կոչը, որ 1919թ. հոկտեմբերի 10-ին տարածվեց Հալեբում, կոչվում էր “Մուստաֆա Քեմալի կոչը սիրիացիներին”: Մուստաֆա Քեմալը կոչ էր անում արաբներին միանալ թուրքերին՝ ընդդեմ եվրոպական պետությունների: Կոչում ներկայացվում էր մահ Եվրոպայի դեմ արաբների ու թուրքերի միավորման հիմքը: Դա կրոնն էր՝ իսլամը: Քեմալը դիմում էր արաբներին որպես մույն կրոնին պատկանող մարդ: “Որպես կրոնակից, - ասում էր Քեմալը, - ես աղաչում եմ ձեզ ուշադրություն չդարձնել այն տարածաշրջաններին վրա, որ ծագել էին մեր միջև և որոնք բաժանեցին մեզ”²: Նա ռաջարկում էր վերջ տալ թյուրիմացություններին և զենքն ուղղել դավաճան կուսակցությունների դեմ, ուղտը ցանկանում են մեր երկիրը բաժանել: “Եթե դուք չլսեք, - ընդգծում է Քեմալը, - ապա կափառաւք: Հույս մի դրեք մեր կրոնի անհավատ թշնամիների

խոստումներին վրա”¹։ Մոստաֆա Քեմալը կոչ է անում սիրիացիներին՝ “եկեք ապրենք ուղիւս կյոնակից եղբայրներ”⁴։

Դեմալը այստեղ, ինչպէս ընդունված էր այդ ժամանակ. սիրիացիները ասելով նկատի ունենալով սիւսը բուն սիրիացիներին. այլև լիբանանցիներին. պաղեստինցիներին և հորդանանցիներին։

Դաշից սլաք երևում է. որ Քեմալը և քեմալականները չէին ուզում տեսնել թուրքական լծից ազատագրվելու հասարակարբներին մղած դարավոր պայքարի իրական սրտեղծները և, հետևաբար, չէին ընդունում այդ պայքարի օրինական լինելը։ Նրանք այդ պայքարը, այդ թվում և արաբական մեծ ապստամբությունն Առաջին համաշխարհային պատերազմի տարիներին, համարում էին բյուրյալացութեան արդյունք։ Մյուս կողմից, քեմալականները արաբներին և թուրքերին միավորման հիմք առաջարկում էին կյոնը և արաբների ազատագրութեան պայքարին ձգտում էին սաղ կյոնական բնույթ. միամտաբար համոզված լինելով. որ յուր լավագոյն յոգունգն է արաբներին իրենց կողմը գրավելու և նրանց վրա իրենց տիրապետութեանը վերահաստատելու տեսանկյունից։ Բլլ քեմալականները ձգտում էին Սլիւիան և արաբական մյուս երկրները կրկին դնել թուրքական լծի ներքո, ցայտուն կերպով երևում է առաջին կոչի հետևյալ հատվածից, որտեղ արաբական երկրները դիտվում էին որպէս Թուրքիայի անբաժան մաս։ “Դիմելով սիրիացիներին, Քեմալը ասում է. “Եկեք բոլորս մեր գեները ուղիները դավաճան կուսակցութեանը ներքին դեմ, որոնք ուզում են մեր երկիրը տրուել”⁵։

Այս հատվածն ուշագրավ է երկու առումով՝ Քեմալի քաղաքականութեան արաբների նկատմամբ ճշտ հասկանալու համար։ Նախ, նու արաբական երկրները և Թուրքիան համարում է մի երկիր, օգտագործելով “մեր երկիրը” ձևակերպումը։ Հասկանալի է, որ “մեր երկիրը” չէր կարող լինել արաբական, այլ դա թուրքական երկիր էր լինելու։ Դա Թուրքիան էր. որը, ելնելով նոր իրադրութեանից. ամենայն հավանականութեամբ, այդ չէր կոչվելու Օսմանյան կայսրութեան, անգամ ընդհանրապէս կայսրութեան։ Նույնիսկ դա կարող էր կոչվել Թուրքական հանրապետութեան։ Բայց դրանից ոչինչ չէր փոխվում, քանի որ այդ “երկրում” տիրապետողը լինելու էր թուրքական տարրը։

Երկրորդ, Քեմալն անընդհատ օգտագործում է “դավաճան կուսակցութեանը” բռնակալակցութեանը, պահանջելով գեներ ուղիղ նրանց դեմ։ Չենք կարծում, թե նա նկատի ունենալով երկրորդներին կուսակցութեանը. որն այդ ժամանակ արդեն կրախ էր մատնված։ Ուստի մնում է եմթադրել, որ Քեմալը նկատի ունենալով արաբական այնպիսի կուսակցութեանները, ինչպէս Լամարքազիան՝ Ալալեմտոնացման կուսակցութեանը, “Ալ-Ալլը”, “ալ-Ֆաթաթ” և այլն, որոնք մեծ հեղինակութեան էին վայելում արաբական երկրներում, և հուր նախապատուստեցին օսմանյան տիրապետութեան դեմ արաբական մեծ ապստամբութեան համար։

Ուրեմն Քեմալի հարվածի սլաքն ուղղված էր արաբական ազգային-հայրենասիրական ուժերի և նրանց կազմակերպությունների դեմ. որոնց դավաճան համարելը նշանակում էր. թե ինչպիսի քաղաքական նպատակներ էին հետապնդում քեմալականները՝ կոչ անելով արաբներին միանալ թուրքերին և իրենց գեներն ուղղել արաբական ազգային-հայրենասիրական ուժերի դեմ, որոնք քաղաքական ասպարեզ էին իջել արաբական երկրները օսմանայան բռանտիրությունից ազատագրելու օգյեկտիվ պահանջից:

Արաբական երկրների վրա Թուրքիայի տիրապետությունը վերականգնելու քեմալականների մտադրությունն ավելի հստակ ու որոշակիորեն է ելևում արաբներին ուղղված Քեմալի երկրորդ կոչում: Քեմալն ի լուր արաբների հայտարարում է. “Մենք ցանկանում ենք, հակառակ Վիլսոնի սկզբունքների, միացնել այն մասերը (յմս) տերիտորիաները - Ն.Հ.), որոնք պատկանում են Թուրքիային”⁶:

Քեմալն առանց այլևայության հստակ հայտարարում է, որ արաբական երկրները, Օսմանյան կայսրության այլ տարածքների հետ միասին, պատկանում են Թուրքիային: Իր վերոհիշյալ ձևակերպումով նա այդ հարցում այլևս կասկածի տեղ չի թողնում: Դրա մասին է վկայում նաև այն փաստը, որ նա ուղղակիորեն հակադրվում է ԱՄՆ-ի պրեզիդենտ Վուդրո Վիլսոնի դեռևս 1917թ. հոչակած 14 կետերին, որի 12-րդ - կետում արձանագրված էր, որ Օսմանյան կայսրության նախկին տիրապետությունները, այդ թվում և արաբական, պետք է ինքնորոշման իրավունք ստանան և այլևս չմնան օսմանյան տիրուպետության ներքո:

Քեմալականներն այժմ հանդես էին գալիս այդ կարևոր պահանջի դեմ: Այդ պատճառով էլ նրանք, ինչքան էլ որ փորձեցին գումագարդվել և արաբական ժողովուրդների բարեկամի դիմակ հագնել, միևնույն է, չկարողացան խաբել և ապակողմնորոշել արաբներին: Դա եղավ թուրքական ծավալապաշտական ծրագրերի ձախողման գլխավոր պատճառը:

Իր վճռական նշանակությունն ունեցավ նաեւ Հիջազի արդեն թագավոր հռչակված Հուսեյն թագավորի և նրա զինակիցների շատ հստակ և որոշակի բացասական դիրքորոշումը քեմալականների և նրանց քաղաքական նկրտումների նկատմամբ: Հուսեյնը կտրուկ հանդես եկավ քեմալականների հետ կապեր հաստատելու և բանակցությունների մեջ մտնելու արաբական որոշ գործիչների, հատկապես Հալեբի նահանգապետ Ջաֆար ալ-Ասկյարիի փորձերի դեմ: Այդ մասին է վկայում 1919թ. երկրորդ կեսին իր որդուն՝ Ֆեյսալին, որը տնօրինում էր սիրիական գործերը, ուղարկված նրա հեռագիրը: Հուսեյնը նրան զգուշացնում է. “Հաստատ է, որ մարդիկ Հալեբից հյուսիս-արևմուտք բանակցություններ են վարում Քեմալ փաշայի հետ: Դու պետք է հասկանաս, թե ինչ կարող է լինել դրա հետևանքը”⁷: Նա կարգադրում է Ֆեյսալին հայտնել բոլոր նրանց, ում վերաբերում է, չմոռանալ իր՝ Հուսեյնի, խորհուրդները, և ան-

տեսելով իր ահագանգները, սխալներ չգործել: Հուսեյնը հայտնում է, որ ինքն այդ մասին մի քանի անգամ նախազգուշացրել է Ջաֆար Ասկյարիին⁶:

Հուսեյնը, Ֆեյսալը և նրանց զինակիցները գլխակցում էին, որ Քեմալի իշխանության տարածումը Սիրիայի և արաբական մյուս երկրների վրա կնշանակեր թուրքական տիրապետության վերականգնում և արաբական երկրների անկախության գաղափարի ու հեռանկարների կործանում: Հասկանալի է, որ նրանք չէին կարող համաձայնվել դրա հետ և շարունակեցին պայքարը արաբական երկրների ազատության ու անկախության համար:

Քեմալականների փորձերը, նրանց քաղաքական արշավանքը, իսլամի օգտագործումը որպես արաբների ու թուրքերի “միավորման” հիմք, ոչ մի արձագանք չգտան արաբների՝ ժողովրդի և քաղաքական առաջնորդների մոտ, և լիակատար ծախսողում կրեցին:

* * *

Քեմալական Թուրքիայի տերիտորիալ հավակնության հաջորդ նշանակակետը դարձավ Իրաքը, ավելի կոնկրետ՝ Մոսուլի վիլայաթը, որի համար մտ պայքարում էր 1920-ական թվականներին, ընդհուպ մինչև 1926թ.:

Առաջին համաշխարհային պատերազմի ավալտից հետո, Անգլիան Ազգերի լիգայից ստացավ Իրաքի կառավարման մանդատը, որն Իրսւքում իրագործվեց միանգամայն յուրահատուկ կերպով: Ստեղծվեց Իրաքի թագավորություն, որը, սակայն, գաղութային կախվածության մեջ էր գտնվում Մեծ Բրիտանիայից: Իրաքն ունեցավ իր թագավորը, կառավարությունը, պառլամենտը և պետական այլ կառույցներ, սակայն, այնտեղ գործում էր անգլիական գլխավոր կոմիսարը, որին և պատկանում էր վերջին խոսքը: Անգլիական մանդատի ներքո իրաքյան թագավորության վերջնական կազմավորումն ավարտվեց 1921թ. օգոստոսին:

Այս գործընթացն այնքան էլ հեշտ ու խաղաղ չընթացավ: Իրաքի թագավորի թեկնածու Մեծ Բրիտանիան առաջարկում էր Հիջազի թագավորի երրորդ որդուն՝ Ֆեյսալին, որն աչքի ընկնող դերակատարում էր ունեցել արաբական մեծ ապստամբության նախապատրաստման և իրականացման գործում և ղեկավարել էր արաբական բանակի ռազմական գործողությունները թուրքերի դեմ Սիրիայում: Նա ճանաչված քաղաքական գործիչ էր և մեծ հեղինակություն էր վայելում արաբական շրջանակներում: Չնայած այդ հանգամանքին, Իրաքի գահին հավակնում էին նաև այլ մարդիկ, որոնց թվում և թուրքական իշխան Բուրխան ադ-Դիհն⁹: Անգլիացիներին հաջողվեց ստիպել նրան և մյուս հավակնորդներին հանել իրենց թեկնածությունները և Ֆեյսալը մնաց միակ հավակնոր-

լոր: Նրա պաշտոնական րազադրումը կայացավ 1921թ. օգոստոսի 23-ին:

Իրաքի թագավորությունը կազմավորվեց երեք վիլայաթների՝ Բաս-րայի, Բաղդադի և Մոսուլի, միավորման հիմքի վրա:

Սակայն դառ ղեմ հանդես եկավ քաղերի մեծամասնությունը, որը ղեմ էր նաև Ֆեյսալի թեկնածությանը որպես Իրաքի թագավոր: Այդ կապակցությամբ անցակցված հարցման ժամանակ քաղերի կամ ղեմ քվերակեցին Ֆեյսալին, կամ էլ կողմ քվերակելով՝ արեցին վերապահումներ: Մոսսուլում և Էրբիլում քաղերը քվերակեցին հօգուտ Ֆեյսալի, բայց պահանջեցին հատուկ իրավունքներ իրենց համար. Սուլեյմանիայում քաղերը հրաժարվեցին մասնակցել քվերակութունը. իսկ Կիրկուկում նրանք ղեմ քվերակեցին և պահանջեցին քաղերի համար ստեղծել քաղական կառավարություն: Միաժամանակ Կիրկուկի քաղերը Սուլեյմանիայի հետ միանալու ղեմ արտահայտվեցին: Ընդհանուր առմամբ քաղերի մեծամասնության դիրքությունը Ֆեյսալի հարցում բացասական էր¹⁰: Ինչպես նշում է ֆրանսիական պատմաբան Պ. Ռոսին, “Քաղերը հայտարարեցին, որ իրենք չեն ենթարկվելու արաբներին”¹¹:

Քաղերի դիրքությունն պատճառով Մոսսուլի վիլայաթում ստեղծվեց լարված իրադրություն, որը 1922թ. վերածվեց ապստամբության: Դրանից փորձեց օգտվել քեմալական Թուրքիան: Նրա գործակալները և հատուկ էմիսարները որոշակի դերակատարում ունեցան քաղական հուզումները բողբոջելու և նրանց արաբների ղեմ գրգռելու գործում:

Այս կապակցությամբ սահմանվեցին և ուղարկությունն հրավիրել հետևյալ հանգամանքի վրա:

1920թ. օգոստոսի 10-ին ստորագրված Սևրի պայմանագրով քաղերին իրավունք էր վերապահվում ստեղծել իրենց պետությունը՝ Եփրատից արևելք և Հայաստանի սահմաններից հարավ ընկած տարածքում: Այդ կապակցությամբ պայմանագրում ասված էր, որ “ եթե Մոսսուլի քաղերը ևս կցանկանան մտնել նոր քաղական պետություն կազմի մեջ, ապա գլխավոր դաշնակիցները չեն առարկի դրա ղեմ”¹²: Սևրի պայմանագրի ղեմ, ինչպես հայտնի է, հանդես եկավ Թուրքիան: Ըստ որում, նու ոչ միայն ընդհանրապես ղեմ էր այդ պայմանագրին, այլև ղեմ էր քաղերի՝ իրենց ինքնուրույն պետությունն ունենալու որոշմանը:

Թուրքիան ձգտում էր Մոսսուլն անջատել Իրաքից:

Հետապնդելով այդ նպատակները, Թուրքիան սամն ինչ անում էր, որպեսզի քաղական շրջաններում անհանգիստ իրավիճակ լինել: Այդ պատճառով քաղական շրջաններում հայտնվում էին ոչ միայն քեմալական գործակալներ, այլև բուրժական զինված ջոկատներ: Այդ հանգամանքը նկատի ունենալով, որոշ հետազոտողներ, ինչպես Մ.Սետուն-Վիլյամսը և Է. Մենը, այն կարծիքն են արտահայտել, որ քաղերի 1922-

1924թթ. երուրթներդ օտարերկրյա, տվյալ դեպքում թուրքական միջամտութեան արդարեւ ինչ:

Քրդական երուրթները սկսվեցին 1922թ. գարնանը: 1922թ. մարտի 17-ին թուրքական կառավարութեանը Ռ-հանդուգ որպէս կայմական՝ կառավարիչ. ուղարկեց իւր հաժաւարիւմ գործակալները մեկին՝ Ռ-հանգի բեյին: ‘Լա բացահայտ միջամտութեան էր Իրաքի ներքին գործերին. որդի հնարավոր երսվ իրագործել երկու պատճառով: Նախ, Թուրքիան հաշվի չի. նստում Իրաք պետութեան ստեղծման փաստի հետ. որը թեկուզ և անգլիական մանդատի ներքո էր գտնվում, այդուհանդերձ, պետութեան էր: Նա չէր հաշտվում այն իրողութեան հետ, որ Մոսուլի վիլայաթը Իրաքի բաղկացուցիչ մասն էր, և փորձում էր այն դիտել որպէս նախկին Օսմանյան կայսրութեան մի մասը, այն կայսրութեան, որի իրավահաջորդն էր նա փորձում հանդես գալ: Այդպէս ինչպէս բացատրել այն փաստը, որ Թուրքիայի կառավարութեանն իրեն իրավունք էր վերապահում կառավարիչ նշանակել մեկ այլ պետութեան տարածքում գտնվող շրջանում:

Երկրորդ, Թուրքիան տեխնիկապէս կայողացաւ իրագործել այդ աննախադէպ քայլը, քանի որ այդ ժամանակ պետական սահմանների պաշտպանութեանը չէր գտնվում այնպիսի բարձրութեան վրա, ինչպէս մեր օրերում է: Եւ դա հնարավորութեան էր ստեղծում պետական սահմաններով համեմատաբար ազատ տեղափոխութեանը: Ասվածն առավել բնորոշ էր Իրաքի համար, որը դեռևս թույլ էր և գործի համապատասխան միջոցներից ու հնարավորութեաններից փակի տակ պահել իր սահմանները:

Ռ-հանգի բեյը, ժամանելով Ռ-հանդուգ և ստանձնելով կայմականի պաշտոնը, կապեր հաստատեց քրդական ցեղերի հետ և նրանց շրջանում յուրեր տարածեց, թէ շուտով Մոսուլ կժամանեն խոշոր թուրքական զինված ուժեր, “որոնց օգնութեամբ Սուլեյմանիան, Կիրկուկը և Էրբիլը կխլվեն բրիտանացիներից”¹³:

Թուրքիայից ժամանեց և Ռ-հանգի բեյին միացաւ նաև մեկ այլ թուրքական գործիչ՝ Ալի Շուֆիկը, որն ավելի շատ հայտնի էր Յոզ Դեմիրի՝ “Երկաթյա ուս” մականունով: Նա ժամանեց որպէս “ազգային ապստամբութեան ղեկավար”: Յոզ Դեմիրը հայտարարեց, որ նրա զինավոր նպատակն ամբողջ Մոսուլի վիլայաթի գրավումն է¹⁴:

Քրդական ապստամբութեան ժամանակ, թուրքական գործերը մեկ անգամ չէ, որ անցնում էին Իրաքի սահմանը և մասնակցում անգլիացիների դեմ ուղղված ռազմական գործողութեանը: 1922թ. օգոստոսին, երբ ապստամբեց քրդական փիժդալ ցեղը, թուրքական զինված ջոկատներն անցան թուրք-իրաքյան սահմանը և միանալով ապստամբ փիժդալ ցեղին, ռազմական գործողութեանը ծավալեցին անգլիացիների դեմ

Ռ-անկյայի մոտ: Անգլիացիները հայտնվեցին ծանր դրության մեջ և նահանջեցին այդ քաղաքից:

Ստեղծված ծանր պայմաններում, անգլիական իշխանությունները հարկադրված էին որոշ զիջումներ կատարել քրդերին և փակել Թուրքիայի միջամտության խողովակները: Նրանց համաձայնությամբ ստեղծվեց քրդական կառավարություն Սուլեյմանիյաում շեյխ Մահմուդի գլխավորությամբ: Սակայն վերջինս բնավ մտադիր չէր կուրորեն հետևել Իրաքում անգլիական իշխանություններին և գլխավոր կոմիսար Պերսի Կոկսի հրամաններին: Նա իր սեփական խաղն ուներ: 1922թ. նոյեմբերին շեյխ Մահմուդն իրեն հայտարարեց՝ «Քրդստանի թագավոր» և փորձեց իր իշխանությունը տարածել Իրաքի բոլոր քրդական շրջանների վրա: Միաժամանակ նա ուղղակի կսպեր հաստատեց քեմալականների հետ: Անկարայից շեյխ Մահմուդին այցելեցին թուրքական բանակի երկու սպաներ, որոնք խոստացան նրան օգնել ու աջակցել Մեծ Բրիտանիայի դեմ ուղղված նրա պայքարում¹⁶: Թուրքերն իրենց զորքերը կենտրոնացրին Ջախայից և Ջազիրա ալ-Ումարից մի քանի մղոն հեռավորության վրա: Դա նպաստեց թուրքամետ գաղտնի կոմիտեների գործունեության ակտիվացմանը Մոսուլի վիլայաթում¹⁷:

Այդ նույն ժամանակ, 1922-1923թթ. ընդմիջումներով, ընթանում էր Լոզանի կոնֆերանսը, որի նիստերից մեկի ժամանակ թուրքական պատվիրակության ղեկավար, Մուստաֆա Քեմալի մերձավոր զինակից Իսմեթ փաշան, պահանջեց ամբողջ Մոսուլի վիլայաթը մտցնել Թուրքիայի կազմի մեջ: Անգլիան, հասկանալի է, դեմ էր քեմալականների պահանջին և ամեն կերպ ցանկանում էր Մոսուլի վիլայաթը պահել Իրաքի կազմում՝ ձգտելով Մոսուլի վիլայաթի հյուսիսային սահմանները դարձնել Իրաքի հյուսիսային սահմանները:

Անգլիան շտապում էր իր ծրագիրն իրագործել մինչև Լոզանի կոնֆերանսի ավարտը: Իսկ դրա համար անհրաժեշտ էր հանդարտեցնել քրդական շրջանները և իրեն ենթարկել շեյխ Մահմուդին, հակառակ պարագայում, կարող էր այն տպավորությունը ստեղծվել, որ Իրաքի կառավարությունն ի վիճակի չէ իր վերահսկողության տակ պահել Մոսուլի վիլայաթը:

Պայքարը Մոսուլի վիլայաթի համար կարևոր նշանակություն ուներ երկու կողմերի համար էլ: Անգլիան ոչ մի կերպ չէր կարող նավթաքեր շրջաններով հարուստ այդ վիլայաթը զիջել որևէ պետության: Բացի դրանից, Մոսուլի վիլայաթն ուներ կարևոր ստրատեգիական նշանակություն Անգլիայի համար, որի գաղութային տիրույթները կազմում էին մի ամբողջ շղթա, սրի կարևոր օղակներից մեկն էր դարձել Մոսուլի վիլայաթը:

Թուրքիայի համար Մոսուլը նույնպես կարևոր էր թե՛ տնտեսական, և թե՛ ստրատեգիական առումով: Թուրքիան չէր կարողանում հաշտվել

այն մտքի հետ, որ հարկադրված է սահմանափակվել հիմնականում Ֆոքը (Ասիայի շրջանակներով: Մոսկովի գրավումը նրան հնարավորություն կտայ դուրս գալ Միջագետք և բարելավել իր ստրատեգիական և աշխարհաքաղաքական դիրքերը Մերձավոր Արևելքում:

Անգլիան անցավ վճռական ռազմական գործողությունների և կարողացավ ճնշել քրդերի ապստամբությունը: Նրանք 1923թ. ապրիլին թուրքերից ազատագրեցին Ռևանդուզը, իսկ մայիսի 28-ին մտան Սուլեյմանիա, ապա նաև մյուս ապստամբական կենտրոններ:

Այսպիսով, Թուրքիան չկարողացավ, օգտագործելով քրդերի պայքարն իրենց դրության բարելավման և իրավունքների ընդլայնման համար, և ուղղակի ռազմական միջամտությամբ տիրանալ Մոսկովի վիլայաթին:

Սակայն դա դեռևս չէր նշանակում, որ Թուրքաին վերջնականապես հաշտվել էր Մոսկովի կորուստի հետ և մտադիր չէր այլևս պայքարը շարունակելու:

Պայքարը շարունակվեց, բայց նա ռազմական ոլորտից տեղափոխվեց իրավական ոլորտ: Այդ հարցը դարձավ Ազգերի լիգայի քննարկման առարկա, հաշվի առնելով այն հանգամանքը, որ Իրաքի կառավարման մանդատն Անգլիային տվել էր նա և դրա հետ կապված հարցերը ենթակա էին նրա իրավասությանը:

Այդ հարցի ուսումնասիրության համար Ազգերի լիգան 1924թ. ստեղծեց հատուկ հանձնաժողով, որին Անգլիան և Թուրքիան ներկայացրին իրենց հուշագիրը, ձգտելով հիմնավորել իրենց պահանջների իրավական լինելը: Ուսումնասիրելով այդ հուշագրերը, հարցի պատմությունը և կողմերի վաստակները, Ազգերի լիգայի հանձնաժողովն ընդունեց որոշում հօգուտ Անգլիայի, այսինքն Մոսկովի վիլայաթը համարել Իրաքի բաղկացուցիչ մաս և թողնել այն նրա կազմում: Նա համաձայնություն տվեց այսպես կոչված “Բրյուսելյան գծին”, ըստ որի Մոսկովի վիլայաթը մտնում էր Իրաքի կազմի մեջ և նրա հյուսիսային սահմանները դառնում էին սահմաններ Իրաքի և Թուրքիայի միջև:

Սակայն հանձնաժողովը երկու նախապայման դրեց Անգլիայի առջև: Առաջին, Մոսկովի վիլայաթը համարել Ազգերի լիգայի մանդատի ներքո 20 տարի ժամանակով, և, երկրորդ, երաշխավորել քրդական բնակչության իրավունքները: Անգլիան համաձայնվեց հանձնաժողովի այս երկու պայմանների հետ:

Հանձնաժողովը 1925թ. իր որոշումը ներկայացրեց Ազգերի լիգայի Խորհրդի հաստատմանը:

Սակայն Թուրքիան վիճարկում էր Ազգերի լիգայի իրավասությունը տվյալ խնդրի վերաբերյալ որոշում կայացնելու կապակցությամբ: Ազգերի լիգայի իրավասության հարցը հանձնվեց Հաագայի միջազգային դատարանին: Վերջինս 1925թ. մայիսի 21-ին տվեց իր եզրակացությունը՝

առ այն. որ Ազգերի լիգան իրավասու է որոշում ընդունել Մոսկովի վիլայաթի վերաբերյալ:

Հաագայի միջազգային դատարանի այդ եզրակացության հիման վրա, Ազգերի լիգայի Խորհուրդն ընդունեց որոշում, որի համաձայն Մոսկովի վիլայաթը դարձավ Իրաքի բաղկացուցիչ մասը՝ մանդատի ժամկետի 25 տարով երկարացնելու և ոչ արտք բնակչության իրավունքներն սպառնալու պայմանով:

Անգլիոսն ԱՄՆ-ի և Ֆրանսիայի հետ միասին ստիպեցին Թուրքիային ճանաչել Ազգերի լիգայի որոշումը Մոսկովի վիլայաթի վերաբերյալ: 1926թ. հունիսի 5-ին Անկարայում Անգլիայի, Իրաքի և Թուրքիայի միջև ստորագրվեց համապատասխան պայմանագիր, որի համաձայն կողմերը ճանաչեցին, որ “սահմանը Թուրքիայի և Իրաքի միջև վերջնականապես հաստատվում է Ազգերի լիգայի Խորհրդի կողմից 1924թ. հուլիսի 29-ին հաստատված գծին (այսպես կոչված Բրյուսելի գծին) համապատասխան”¹⁸: Կողմերը համաձայնվեցին նաև սահմանը փոփոխելու փորձեր չկատարել, հրաժարվել կապեր հաստատելուց մյուս պետության ցեղերի դեկավարների, շեյխերի և այլ անդամների հետ, ուղմք տվյալ պահին գտնվում են մյուս պետության տարածքում և այլն: Իրաքը պարտավորվեց 20 տարի Թուրքիային վճարել նավթից ստացվող եկամուտների 10 տոկոսը:

Այսպիսով, քննարկված Թուրքիայի այս փորձը ևս՝ տիպիկալ արաբական տարածք համարվող Մոսկովի վիլայաթին, ավարտվեց անհաջողությամբ: Սակայն դա անհետևանք չանցավ: Դա ցույց տվեց արաբներին, ինչպես և Սիրիայի դեպքում, որ Թուրքիան դեռևս հրաժեշտ չի տվել իր ոչ հեռավոր անցյալի քաղաքական մտածելակերպին, կայսերական նկրտումներին և ծավալապաշտական քաղաքականությանը և արաբական երկրների վրա նայում է, որպես իր հնարավոր ագրեսիայի ամենահարմար նպատակակետերից մեկը:

* * *

Արաբական երկրների տարածքների նկատմամբ իր ագրեսիվ և զավթողական նկրտումները Թուրքիան կրկին անգամ ցուցադրեց Նրկլուրդ համաշխարհային պատերազմի ժամանակ: Դա արդեն թվով երրորդ ոտնձգությունն էր, որ Թուրքիան դրսևորում էր արաբական երկրների տերիտորիաների նկատմամբ: Նախորդ երկուսը, ինչպես ցույց տրվեց, տեղի ունեցավ Քեմալի ղեկավարության շրջանում. իսկ այս երրորդը նրա մահվանից հետո, Իսմեթ Ինենյուի պրեզիդենտության շրջանում, այն Իսմեթի, որը դեռևս 1923թ. Լոզանի կոնֆերանսում պահանջեց Մոսկովի վիլայաթն ամբողջությամբ միացնել Թուրքիային: Թուրքիայի դեկավարությունն իր ձեռքն էր վերցրել Քեմալի գործի հավատարիմ չա-

յոյնականորդ, մի անձնավորություն, ոյն աշխեն քաղաքական փորձ ուներ արաբական տալաճքները Թուրքիային բռնակցերու պահանջները ներկայացներու հարցում:

Այս անգամ ևս Թուրքիայի տերիտորիալ պահանջներոյ բացահայտորէն հասցեագրված էին Սիւրիային, իսկ սքողված կերպով մաս Իրաքին:

Թուրքիան Երկրորդ համաշխարհային պատերազմի ժամանակ ձեռնադրեն չեղող դիրք էր գրավել: Իրականում մա, կախված ռազմական իրադրությունից և հակամարտող կողմերի՝ ֆաշիստական բլոկի և հակահիտլերյան կուպիցիայի, սլատերազմի դաշտում հաջողություններէլից կամ պարտություններէլից. մերթ մերձենում էր այս, մերթ այն բլոկին՝ հետապնդելով իր սեփական ռազմաքաղաքական նպատակները: Պատերազմի առաջին փուլում, երբ հաջողություն ուղեկցում էր ֆաշիստական բլոկին, Թուրքիան սիրախաղում էր Գերմանիայի հետ և փորձում միւս օգնությամբ թոժել իր համար կենսական նշանակություն ունեցող մի շարք հարցեր, այդ թվում և Արաբական Արևելքում:

Իսկ դրությունն ստրատեգիական մեծ նշանակություն ունեցող այս տալաճաշրջանում, խիստ տազնապալի էր, մանավանդ այն բանից հետո, երբ Ֆրանսիան 1940թ. պարտություն կրեց և անձնատուր եղավ Գերմանիային: Այդ իրողությունն առաջին հերթին անդրադարձավ Սիւրիայի և Լիբանանի իրավիճակի վրա. որոնք համարվում էին ֆրանսիական ենթամանդատային երկրներ: Օգտվելով Ֆրանսիայի կապիտուլյացիայից Լ. Լանտում մտադրվեց հաստատվել Գերմանիան, ինչպես մաս Իտալիան:

Ահիս օգտվելով այս նոր քաղաքական իրողություններէլից և այն հսնգամանքից, որ Ֆրանսիան պարտություն էր կրել և այլևս նախկին հզոր տետությունը չէր, կրկին իր տերիտորիալ պահանջներով ասպարեզ իջով Թուրքիան: Նա փորձեց դա իրագործել Գերմանիայի թույլտվությամբ և համաձայնությամբ, օգտագործելով այն պարագան, որ Ֆրանսիայի կապիտուլյացիայից հետո խիստ սրվեցին հարաբերությունները երկու նախկին դաշնակիցների՝ Անգլիայի և Ֆրանսիայի միջև: Անգլիան չէր կարող թույլ տալ, որ Ֆրանսիայի պարտությունից հետո Սիւրիայում և Լիբանանում հաստատվի Գերմանիան՝ առանձին, կամ Իտալիայի հետ միասին: Ուստի մա, բնականաբար, ցանկանում էր իր վերահսկողությունը սահմանել ֆրանսիական այդ երկու ենթամանդատային երկրների վրա և կանխել գերմանական ուժերի ներխուժումը Սիւրիա և Լիբանան: Անգլիական այդ ծրագրերի դեմ վճռականորեն հանդես էին գալիս հիտլերյան Գերմանիայի հետ համագործակցող և միւս կամակատար Ֆրանսիայի այսպես կոչված վիշիակսն դեկավաթությունը՝ Պետենը, Լավսոդը, Վեյգանը, Դաուանը և միւս գործիչները: Նրանց այդ դիրքորոշումը, հասկանալի է. յիվ աջակցություն էր գտնում հիտլերյան Գերմանիայի դեկավաթության կողմից:

Ամեն ինչ վկայում էր այն մասին, որ հասունացած էր մոր ռազմական կոնֆլիկտ՝ մի կողմից Անգլիայի և նրա հետ համագործակցող «Ազատ Ֆրանսիայի», որի ղեկավարն էր գեներալ դը Գոլլը, իսկ մյուս կողմից Սիրիայում և Լիբանանում Պետենին հավատարիմ մնացած ֆրանսիական ուժերի միջև, որոնց թիկունքում կանգնած էր Գերմանիան:

Թուրքիայի ղեկավարությունը մտածեց, որ հասունացել է հարմար պահը իր տերիտորիալ պահանջները ներկայացնել Սիրիայի նկատմամբ: Այդ մասին են վկայում գերմանական պաշտոնական փաստաթղթերը, որը պատերազմից հետո հրատարակեցին ԱՄՆ-ը և Անգլիան «Գերմանական արտաքին քաղաքականության փաստաթղթերը» («Documents on German Foreign Policy») խորագրով: Դրա մասին նյութեր են պարունակում նաև «Սիացյալ Նահանգների արտաքին հարաբերությունները: Դիվանագիտական նյութեր» («Foreign Relations of the United States. Diplomatic Papers») մատենաշարի հատորները:

Թուրքիան բանակցությունների մեջ մտնելով գերմանական կառավարության հետ, բացահայտ կերպով դնում էր Սիրիան զավթելու հարցը:

1941թ. հունիսի 3-ին Անկարայում գերմանական դեսպան ֆոն Պապենը հայտնում է Գերմանիայի արտաքին գործերի նախարար Ռիքերնտորպին իր գրույցի մասին, որ նա ունեցել էր Թուրքիայի արտաքին գործերի նախարար Սարաջօղլուն հետ: Վերջինս գրույցի ընթացքում բարձրացնում է Սիրիայի հարցը: Սարաջօղլուն նշում է, որ Թուրքիան վախենում է, որ Անգլիան կարող է գրոհել Սիրիայի վրա, որը «Թուրքիային կարող է դնել Բաղդադի երկաթուղին և Հալեբի շրջակա տերիտորիաները գրավելու անհրաժեշտության առջև՝ իր դիրքերի ստրատեգիական պաշտպանության համար»¹⁹: Ֆոն Պապենի հետ հետագա հանդիպումների և գրույցների ընթացքում, Սարաջօղլուն արդեն պնդում է ոչ միայն Հալեբի և նրա շրջանների, այլև ամբողջ Սիրիայի օկուպացման վրա²⁰:

Այսպիսով, Թուրքիան կրկին բացահայտորեն հայտ է ներկայացնում Սիրիան զավթելու վերաբերյալ: Նա չի թաքցնում իր զավթողական մտադրությունները նաև Իրաքի նկատմամբ, քանի որ Բաղդադի երկաթուղու գրավումը Թուրքիայի կողմից անպայմանորեն կշոշափեր նաև Իրաքի տարածքային հարցը:

1941թ. հուլիսի սկզբներին Անկարայում էր գտնվում Ֆրանսիայի վիչիական կառավարության, որը հիտլերյան Գերմանիայի խամաճիկն էր, պետական քարտուղար բարոն Ժակ Բեմուա-Մեշինը: Նրա այցի նպատակն էր բանակցություններ վարել թուրքական կառավարության հետ թուրքական տերիտորիայով Սիրիա ֆրանսիական գործեր և ռազմական տեխնիկա տեղափոխելու վերաբերյալ: Գտնվելով Անկարայում, նա սերտորեն համագործակցում էր գերմանական դեսպանի հետ: Վերջինս

1941թ. հունիսի 4-ին Բեռլին ուղարկված իր դիվանագիտական հերթական զեկուցագրում նշում էր, որ թուրքական կառավարությունը ֆրանսիական բարոնին ընդունել էր բավականին սառը:

Այդ մուն օրը, հունիսի 4-ին Սարաջոդլուն նորից է հանդիպում ֆոն Պապենի հետ և նրա հետ դարձյալ քննարկում Թուրքիայի տերիտորիալ պահանջները բավարարելու հարցը: Իր պահանջներն ավելի “հիմնավորելու” և համոզիչ դարձնելու նպատակով, Թուրքիայի արտաքին գործերի նախարար ֆոն Պապենին և նրա միջոցով Գերմանիայի կառավարությանն իր կասկածն է հայտնում առ այն, որ ֆրանսիացիները հազիվ թե կարողանան իրենց դիրքերը պահել Սիրիայում և այդ պատճառով հնարավոր է, որ նրանք, այսինքն ֆրանսիացիները, համաձայնվեն “Թուրքիային վստահել Սիրիայի հօգատարությունը”: Շախմակելով իր “հիմնավորումները”, Սարաջոդլուն տեղյակ է պահում ֆոն Պապենին, որ “Այդ դեպքում Թուրքիան կարող էր անհապաղ նախապատրաստվել Սիրիան օկուպացնելու համար, ֆրանսիական բանակին հնարավորություն կտար պատվով հեռանալու և պատերազմի ավարտից հետո Սիրիան կվերադարձներ Ֆրանսիային, բացառությամբ հյուսիսային շրջանի”²¹:

Ահա այսպիսին էին Թուրքիայի պահանջները: Նա կրկին ցույց էր տալիս, որ Թուրքիայում այդպես էլ չէին մոռացել և չէին հաշտվել արաբական երկրների կորուստի հետ, թեև դրանից հետո անցել էր ավելի քան 20 տարի: Մյուս կողմից ակնհայտ էր այն էժանագին խորամանկությունը, որ դրսևորում էր թուրքական ղեկավարությունը՝ թաքնվելով ֆրանսիացիների հօգատար “բարեկամների” դիմակի տակ և առաջարկելով մի այնպիսի ծիծաղաշարժ առաջարկություն, ինչպես սկզբում գրավել ամբողջ Սիրիան, իսկ հետո ֆրանսիացիներին ետ վերադարձնել նրա մի մասը: Այստեղ Թուրքիան վտրձում էր խաղացնել Ալեքսանդրետի սանջուսքի տարբերակը: Մենք նկատի ունենք այն հանգամանքը, երբ Թուրքիան շանտաժի միջոցով կարողացավ 1939թ. ստիպել Ֆրանսիային Թուրքիային զիջել Սիրիայի մի մասը հանդիսացող Ալեքսանդրետի սանջաքը, որը մտնում էր Հալեբի նահանգի մեջ: Ֆրանսիան, լինի Պետենի ղեկավարության տակ գտնվող հատվածը, թե գեներալ դը Գոլլի “Ազատ Ֆրանսիան”, չէր կարող համաձայնվել թուրքական առաջարկության հետ, քանի որ նրանք լավ գիտեին, ելնելով Ալեքսանդրետի սանջուսքի փորձից, որ եթե թուրքական զինվորը մտնի Սիրիա, ապա նա կամավոր կերպով այնտեղից չի հեռանա:

Այդ պատճառով էլ, երբ ֆոն Պապենը թուրքական վերոնշյալ առաջարկությունը փոխանցեց բաբոն Ժակ Բենու-Մեշինին, ապա նա կատեգորիկ կերպով մերժեց այն, ընդգծելով, որ թուրքական առաջարկությունն անընդունելի է Ֆրանսիայի համար²²:

Նրա հետ լրիվ համաձայն էր գերմանական դեսպան ֆոն Պապենը, որն այդ կապակցությամբ նշում է, որ Սլիլիան Թուրքիայի խնամակալության ներքո ավելի պակաս ընդունելի է Գերմանիայի համար. քան թե Սլիլիան անգլիացիների ձեռքում²¹:

Այդուհանդերձ, Թուրքիան շարունակում էր պնդել Սլիլիան գրավելու վրա և ձգտում ձեռք բերել Գերմանիայի համաձայնությունը: Հուլիսի 9-ին ֆոն Պապենը հաղորդում է Ռիքենտրոպին, որ Սարաջոդուն կրկին հանդիպել է իր հետ և նորից պահանջել Գերմանիայի համաձայնությունը գրավել Սլիլիան մինչև Աբու Զեմալ-Տրիպոլի նավթամուղի գիծը: Պապենը խնդրում է հետագա հրահանգներ այդ հարցի կապակցությամբ²⁴:

Երեք օր անց, 1941թ. հունիսի 12-ին ֆոն Պապենը ստանում է Գերմանիայի արտաքին գործերի նախարար Ռիքենտրոպի հետևյալ բովանդակությամբ հեռագիրը. “Մեզ համար հնարավոր չէ գրավել նպաստավոր դիրքությունում հյուսիսային Սլիլիան գրավելու թուրքական պահանջների նկատմամբ”²⁵: Արտաքին գործերի նախարարը իր երկրի դիրքությունը հիմնավորում էր, նշելով թե Ֆրանսիան ամբողջ ժամանակ լույս է եղել Գերմանիայի նկատմամբ, և թե այժմ Գերմանիան պաշտպանի Թուրքիային, ապա դա ոչ լույս ակտ կլինի Ֆրանսիայի հանդեպ²⁶:

Գերմանիայի հրաժարվելը պաշտպանել Թուրքիայի պահանջները Սլիլիան օկուպացնելու հարցում, իհարկե, բացատրվում էր այլ պատճառներով: Նացիստական Գերմանիան միջազգային հարաբերություններում երբեք չի ղեկավարվել բալտյական վեհ սկզբունքներով: Սլիլիայի լրիվ կամ մասնակի օկուպացումը Թուրքիայի կողմից չէր համապատասխանում Գերմանիայի շահերին: Ահա այս էր գլխավոր պատճառը: Գերմանիան չէր կարող համաձայնվել, որ Սլիլիան սկստեղի վրա մատուցվեր Թուրքիային, որը ոչ մի կրակոց անգամ չէր արձակել Ֆրանսիային պարտության մատնելու համար: Ֆրանսիայի դեմ պատերազմի և նրա պարտության ամբողջ ծանրությունը կրել էր Գերմանիան, և նրա համար անհասկանալի էին թուրքական նկրտումները:

Գերմանիան չպաշտպանեց Թուրքիայի հավակնությունները Սլիլիան գրավելու հարցում և թուրքական կառավարությանը չհաջողվեց իրականացնել իր զավթողական ծրագրերը: Այդուհանդերձ, այդ ծրագրերի ձախողման գլխավոր պատճառը հանդիսացան անգլիական և “ազատֆրանսիական” գործերի հարձակողական գործողությունները, որոնք սկսվեցին 1941թ. հուլիսի 8-ին և հաջողությամբ ավարտվեցին մեկ ամսվա ընթացքում: Նրանք Սլիլիայից և Լիբանանից դուրս մղեցին վիշիական գործերին: “Ազատ Ֆրանսիան” գեներալ Դը Գոլլի գլխավորությամբ իր հսկողությունը սահմանեց Սլիլիայի և Լիբանանի վրա:

Ստեղծվեց ռազմաքաղաքական նոր իրադրություն, երբ Գերմանիան և Թուրքիան այլևս անելիք չուներին Լևանտի երկրներում:

Այսպիսի վախճան ունեցավ արաբական երկրներին տարածքներվից ինչ-որ բան առկերու Թուրքիայի երրորդ խոշոր փորձը:

Սակայն չպետք է կարծել, թե դրանով ավարտվեցին Թուրքիայի սպառնալիքները արաբական երկրներին, առաջին հերթին Սիրիային և Իրաքին: Թուրքիան ռազմական գործողություններ սանձագեղծելու սպառնալիքներով անցյալ դարի երկրորդ կեսին փորձել է զանազան առիթներով ճնշում գործադրել կամ միջամտել Սիրիայի ե Իրաքի ներքին գործերին: Հիշենք լեկուզ թուրքական զորքերի հաճախակի ներխուժումները Հյուսիսային Իրաք վերջին 15 տարիների ընթացքում՝ քրդական շարժումները ճնշելու պատրվածքով և այլն:

Թուրքիան դիմելով նման քայլերի, արաբական երկրներին տարածքներից ինչ-որ բան վախցնելու իր ցանկությունները փորձում է ներդաշնակել տալուստաշրջանային գերտերության դեր կատարելու իր քաղաքական շատ հեռու զննարկ նսյատակների հետ, որը մեծ սպառնալիք է ներկայացնում ոչ միայն ալաբներին, այլև անդրկովկասյան-մերձավորարևելյան աշխարհաքաղաքական տալուստաշրջանի բոլոր երկրներին և ժողովուրդներին:

NIKOLAY HOVHANNISYAN

ON THE TERRITORIAL CLAIMS OF TURKEY TOWARDS ARAB COUNTRIES IN THE NEWEST PERIOD

The Arab-Turkish relations are one of the complicated fields of the Middle Eastern geopolitical realities of the newest period. It has its reasons-historical, political, including geopolitical, economic, religious, etc.

The Arab countries were more than 400 years under the Ottoman domination. Despite the crush of the Ottoman Empire in 1918, the new Turk leaders, coming to power under the head of Mustafa Kemal, did not give up the idea of restauration of their domination over Arab countries, in particular on Syria and Iraq. This policy of Kemalists represented great danger to the independence of Arabs and became a permanent source of strained relations between Arab countries and Turkey.

The author elucidates in this article three main attempts of Turkey in 1919-1920, 1921-1926 and 1941 to occupy Syria and Iraq and to incorporate them in Turkey. He studies this problem in the context of international relations, taking into account not only the position of Arabs, but also the Great Britain, France, the United States of America and Germany.

The Turkish policy pursuing the occupation of some Arab territories had been failed. The Arab countries and peoples rejected all attempts of Turkey again to put them under the Turkish yoke.

ՃԱՆՈԹԱԳՐՈՒԹՅՈՒՆՆԵՐ

1. Մանրամասն տես՝ Հովհաննիսյան Ն., Արաբական երկրների պատմություն. հ. II. Արաբական երկրները օսմանյան տիրապետության ներքո. 1516-1918թթ., Երևան, 2004թ.
2. Documents on British Foreign Policy. 1919-1939. First Series, vol. IV, London, 1952, p. 478.
3. Նույն տեղում:
4. Նույն տեղում:
5. Նույն տեղում:
6. Նույն տեղում, էջ 568:
7. Նույն տեղում, էջ 553:
8. Նույն տեղում:
9. Оганесян Н.О. Национально-освободительное движение в Ираке (1917-1958гг.), Ереван, 1976, с. 180.
10. Արդ ալ-Ուզալ ալ-Հասանի. Թարիխ ալ-Իրաքի առ-սիյասի ալ-հադիս: Հ. 2, Սալդա, 1957, էջ 32 (արաբերեն):
11. Rossi P. L'Irak des revoltes, Paris. 1962, p. 102.
12. Ключников Ю., Сабанин А., Международная политика новейшего времени в договорах, нотах и декларациях. Ч. 3, вып. 2, Москва, 1926, с. 34.
13. Edmonds C. Kurds, Turks and Arabs. London, 1957, p. 144.
14. Longrigg S. Iraq. 1900-1950, London, 1956, p. 244; Edmonds C. Kurds, Turks and Arabs, p. 144.
15. Edmonds C. Kurds, Turks and Arabs, p. 245.
16. Նույն տեղում, էջ 314:
17. Оганесян Н., указ.соч., с. 203.
18. Ключников Ю., Сабанин А., указ.соч., с. 310.
19. The Ambassador in Turkey to the Foreign Ministry. 3.VI.1941 – Documents on German Foreign Policy (DGFP). 1918-1945. Series D. (1937-1945), vol. XII, London, 1962, p. 953.
20. См. Оганесян Н. Политика империалистических держав на Арабском Востоке в годы Второй мировой войны (1939-1945гг.), Ереван, 1980.
21. DGFP. Series D. vol. XIII, London, 1954, p. 82.
22. Նույն տեղում:
23. Նույն տեղում, էջ 83:
24. The Ambassador in Turkey to the Foreign Ministry. 9.VII.1941- DGFP. 1918-1945. Series D. vol. XIII, p. 106.
25. The Foreign Ministry to the Embassy in Turkey. 12.VII.1941, DGFP, 1918-1945. Series D. vol. XIII, p. 123.
26. Նույն տեղում: